

皇朝經世文新編

皇朝經世文新編卷一中目錄

通論

自強大計摺

附凡二件

議覆盛京鄉條陳摺

乙丙之際著議第七

乙丙之際著議第九

變法自上自下議

中國除害議

論變法

新政策自序

新政策

中國宜改革新政論議

盛宣懷

總理衙門

龔自珍

龔自珍

歐陽甲

徐勤

闕名

英人李提摩太

附

英人李提摩太

附

何啟

通論

自強大計摺 附片二件

臣等謹

奏為自強大計當亟籌議管見臚陳梗概恭摺仰祈 聖鑒事竊自海防事起中外上下競言自強議論
嘉謨日有獻納上年經日朝之覆蓋臣志士益慨然於強弱利鈍之故欲盡取歐洲之新法變易華夏之舊習
朝廷深維至計舉其大者達者於是有創辦南北鐵路之役顧臣以為鐵路者所以速徵調通利源為自強
一端非幹路既成即可坐而俟其強也泰西諸邦用舉國之才智以興農商工藝之利即藉舉國之商力以養
水陸之兵保農工之業蓋國非兵不强必有精兵然後可以應徵調則宜練兵兵非餉曷練必興商務然後可
以擴利源則宜理財兵與財不得其人雖日言練日言理而終無可用之兵可恃之財則宜育才 臣頃蒙 召
對畧陳愚慮嗣軍機大臣復奉 旨傳詢俾罄蘊管窺測之微仰見 聖人兼聽並觀邇言是察不揣愚昧謹
以三事為我 皇上條析陳之

一曰練兵之要中國三代寓兵於農唐宋以降專用召募兵民久分各國皆然近年東西諸國兵制皆由募兵
而復為徵兵世變所趨中國豈能獨不然哉顧今日既糜餉千餘萬以養無用之綠兵復糜餉千餘萬以養
有用之練勇髮捻平定二三十年所謂有用之勇一旦臨敵其債事與綠兵等方事之棘各路添募倉猝成
軍 臣所目覩多有不能持槍施放者蓋募兵一事無賴亡命兼收並蓄來無所考其弊一少壯從軍衰老除
汰去無所歸其弊二間警增募類驅市人不放謂棄其弊三事定遣散多為盜賊遂貽民害其弊四近者議
裁綠營而減兵不能汰官議建洋操而餉重不能多練況勇餉與兵餉不同新勇與舊勇餉復不同餉厚者

不免相矜餉薄者自甘廢弛軍制愈紛餉力愈絀兵氣愈弱現除京營外各省實存綠兵練勇八十餘萬人更新而不去舊無此財力制兵而不盡一非善治軍宜將天下畫分十鎮海疆邊疆為重腹地僻地為輕堅強樸實之地多徵膏沃柔脆之區少選參酌西法簡練新兵三十萬人就各鎮形勢輕重差等數多寡徵選戶籍可稽未經罪犯年在二十以上二十五以下體質身餘合格者錄為常備兵入營教練期以三年退為豫備兵亦期三年退為後備兵亦期三年退為民兵期以五年除其兵籍自豫備兵以下平時在家服農有事以次徵集豫備兵每年一次召集屯營與常備兵合操後備兵每年一次召集便宜地方使之演習皆視道里遠近給路費民兵不集操在籍者皆免本戶徭役每歲十月由各鎮揀派選兵官分赴各屬會同州縣驗選合格者註於籍隨時徵充常備壯者入營而老者退籍老者退而壯者又復入營歷三年而一兵之餉得二兵之用歷六年而一兵之餉得三兵之用九年以後歲額三十萬之餉常得一百二十萬人之用兵皆土著游惰不錄其利一更遞進退室家可歸其利二事至徵召人皆練習其利三事畢歸農不流為匪其利四各鎮營制餉章統歸一律各營槍礮器械統歸一式舉綠營勇營悉去之以其歲餉三千餘萬兩練常備兵三十萬人重訂餉章祇期核實不必過優歲約不逾二十萬兩其餘以備洋教習薪水豫備後備兵調操路費及酌留綠營之餉計無不足此事為強弱關鍵雖加籌款項亦所應為況就餉練兵大難濡緩但持之貴堅行之宜漸或每鎮先練三分之一練成後再行添練以足額為止裁革綠兵營勇亦如之至綠營向有城守防汛之責護餉解犯等差或酌留若干屬於州縣畧加各國整察巡捕之意而責成整飭之自無偏廢之虞應請特簡知兵重臣會同兵部戶部查明兵數餉數並採取英德俄法美日諸國練兵之法決擇參酌釐定章程奏准施行永為定制

一曰理財之要理財有二義開源節流盡之矣今之廣製造興礦政以開源也紗布各廠成本之重不足敵洋

產五金各礦收效之速不足濟急需今之併局卡裁冗費以節流也減併者一無裨國計夫節裁者錙銖何當中飽之鉅言常用則歲出歲入不相抵言通商則輸出輸入不相抵言洋債則竭內外之力而更無以相抵欲求足國先無病民欲收商利在挽外溢加稅之議事未就緒聞西人以釐金為詞蓋窺我國用之絀必不能停收釐金也應機決策莫若徑免天下中途釐金加關稅為值百抽十令彼無所藉口釐金既免即仿行西國印稅之法辦理得宜計加收之關稅新收之印稅合之當倍於釐金而免釐則出口土貨易於流通加稅則進口洋貨或稍清減取益防損利在無形所謂足國而不病民且陰以挽外溢之利者此也西人聚舉國之財為通商惠工之本綜其樞紐皆在銀行中國亟宜仿辦毋任洋人銀行專我大利中國銀行既立使大信孚於商民泉府因通而不窮仿借國債可代洋債不受重息之挾制不喫鑄價之虧折所謂挽外溢以足國者此其一也墨西哥國以九成之銀鑄錢運行中國易我十成之銀歲耗以萬億計近來中外臣工多議自鑄銀元廣東湖北天津南洋先後鑄造分兩輕重悉準墨銀臣愚以為國家園法自古及今皆自為制度隨人趨步各國所無既不能廢兩為元各庫出入仍需元寶必致無銀可鑄查光緒十二年十月海軍衙門奏請將應放南北洋經費及東三省餉項均按二兩平核發是餉需改用京平已有成案今宜在京師特設銀元總局以廣東湖北天津上海為分局開鑄銀幣每元重京平九成銀一兩再酌鑄金錢及小銀錢使子母相權而行凡出款俱用官鑄銀幣各省關收納地丁錢糧鹽課關稅釐金俱收官鑄銀幣元寶小錠概不准用惟收款仍照庫平十成銀計算庫平較京平定以每百兩加平六兩十成銀較九成銀每百兩應加色十兩除各庫上兌津貼銀一兩定以每百兩加色九兩如應交庫平足銀一百兩者實收銀幣一百十五元無輕重高下之別無減平扣色之弊易簡理得婦孺難欺每年度支八千餘萬兩戶部約可盈餘平色銀一千二百萬兩較向來各省撥解平餘多收當不下十萬所謂挽外溢以足國者又其一也此外商務

新編一
鉅細萬端設施有序應請 特簡通達中外商務之大臣專司商政會同戶部取法鄰國實見施行興起商學鼓舞工藝利源無外溢藏富於商民君孰與不足國何患不强

一曰育才之要西國人才之盛皆出於學堂然考其所為學堂之等入學之年程課之序與夫農工商兵之莫不有學往往與曲臺之禮周官之書左氏公羊之傳管墨諸子之說相符蓋無人不學無事不教本三代學校之制特中國古既遠寔成文具而泰西學堂閤合道妙立致富強益以見古聖人之道大用大效小用小效文軌雖殊而莫能外也近日刑部侍郎李端棻推廣學校一摺洞見本原當蒙 採擇竊謂各府州縣駢難編設學堂宜令各省先設省學堂一所教以天算輿地格致製造汽機礦冶諸學而以法律政治商稅為要先設武備學堂一所教以築壘測地槍炮製造彈丸發送隊伍分合馬騎控御諸學而以兵律戎機有勇知方為要在下之趨向全視在上之用舍同文館廣方言館出洋學生屢費不少而得人不多文科之八股試帖武科之弓刀石不待督責而莫不致力其明證也今不能盡改科舉之制似宜專設一科裁天下之廣額為新學之進階明定功令使文武學堂卒業者皆有出身之正途齊任進於科第則聞風興起學校如林人才自不可勝用應請特聞通知時務學行俱懋之大臣專司學政會同禮兵二部提挈綱領一新海內之觀聽有志之士不自奮於有用之學者未之有也

以上三端參酌歐美致富致強之術實不外聖經足食足兵之謨舉而措之要在知人用人而已所慮拘牽舊制難以變通又或慨然於物窮則變意在振興而尤慮天下督撫心志不齊難以統籌全局恐年復一年外人耽耽視我一無足恃肆彼要求得步進步無兵則不能保守利權無餉則不能充養兵力二者互為掣肘甚至洋債不能再借邊土不能自保至其時始悔七年之病不蓄三年之艾殆已晚矣自古國家政事之張弛強弱之機括皆繫於君臣之謀慮一轉移間其效立見臣惟國恥不可忘邦交不可恃伏願 皇上鑒覆轍之在前

審宇宙之大勢發憤自強毅然定斷勿敷行而畏難勿回惑於疑議王大臣等皆公忠體國卧薪嘗膽同
贊聖謨國富兵強遠人自服此薄海臣庶所延頸企踵以俟之者也臣管見所及謹冒昧瀆陳伏乞皇上

聖鑒訓示謹奏

再銀行昉於泰西其大旨在流通一國之貨財以應上下之求給立法既善於中國之票號錢莊而國家任保
護權利無旁撓故能維持不敝各國通商以來華人不知務此英法德俄日本之銀行乃推行來華獲利大利
近年中外士大夫灼見本末亦多建開銀行之議商務樞機所繫現又舉辦鐵路造端宏大非急設中國銀行
無以通華商之氣脈杜洋商之挾持議者謂國家銀行當全發帑本簡畀大官通行鈔票由部造發如英法等
國財賦皆出入於銀行是戶部之外府也然中外風氣不同部鈔殷鑒未遠執官府之制度運貿易之經綸恐
窒礙滋多流弊斯集或致委重西人取資洋款數千萬金咄嗟立辦其詞甚甘其權在彼利害之數未易計度
臣惟銀行者商家之事商不信則力不合力不合則事不成欲慎始而圖終必積小以成大擬請簡派大臣
遴選各省公正殷實之紳商舉為總董號召華商招集股本銀五百萬兩先在上海設立中國銀行其餘
各省會各口岸以次添設分行照泰西商例悉由商董自行經理臣前在上海與開設粵閩浙滬江漢各海關
官銀號之紳商候選道嚴信厚議及銀行之事嚴信厚顧全大局情願以其獨開之銀號歸併公家之銀行使
其氣局寬展並照滙豐銀行規制以精紙用機器印造銀票與現銀相輔而行按存銀之數為印票之數以備
隨時兌現各省官司向銀行借貸應照西例由總行稟明戶部批准以何款抵還方能議訂合同歐洲國債數
千有萬皆由銀行籌辦印發借券應收年息歸行取付大信不渝集事自易嗣後京外撥解之款可交滙以省
解費公中備用之款可暫存以取子息官造銀元尚不通行盡利者可由銀行轉輸上下官得坐收平色之利
銀行用人辦事悉以滙豐章程為準則合天下之商力以辦天下之銀行但使華行多獲一分之利即從洋行

收回一分之權並照西例俟有餘利酌量提捐歸公預定章程遵守商民既交得其便國家即除收其益俟將來官商交孚內外政法變通盡利再行善設國家銀行與商行並行不悖庶幾早見措施以免空言無補謹附片陳請伏乞 聖鑒訓示謹 奏

再使命不辱專對稱能自非學人莫任斯選適者環球通商皇華載道泰西各國來華使臣類能專主庇民克舉厥職雖憑藉國教重其才行多有本原日本維新未久觀其來者亦往往倭武西士中國遣使交鄰時逾廿載同文之館培植不為不殷隨使之員閱歷不為不廣然猶不免有乏才之嘆者何歟母亦孔孟義理之學未知其本中外政法之故未通其大雖嫻熟其語言文字僅同於小道可觀而不足以致遠也 臣上年在津海關道任內籌款設立學堂招選生徒延訂華洋教習分教天算輿地格致製造汽機化礦諸學稟經直隸督臣王文韶 奏明開辦本年春間又在上海捐購基地稟明兩江督臣劉坤一籌款議建南洋公學如津學之制而損益之俟善辦就緒再當陳奏綜厥成課收效皆在十年之後且諸生選自童幼未有一命之校既不能變更科舉即學業有成亦難驟膺顯擢予以要任相需方殷緩不濟急日本明治初元屢為島關戰屢失利諸藩皆擇遣藩士翹楚厚其資裝就學外國今當路諸人率出於此擬請畧取其意在京師及上海兩處各設一達成館取成材之士專學英語語言文字專謀法律公法政治通商之學期以三年均有門徑已通大要請 命出使大臣奏調隨員悉取於兩館俟至外洋俾就學於名師就試於大學歷練三年歸國之後內而總署章京外而各口關道使署參贊皆非是不得與資望既著即出使大臣總署大臣之選也其入館之法兩館各以三四十名為額京官取翰林編檢六部司員外官取候補候選州縣以上道府以下令京官四品以上外官三品以上各舉所知出具切實考語保送 特簡專使學政大臣考取分發京師上海兩館其常年經費延請洋教習及館舍膏藥書籍食用各項每年兩館約需銀十萬兩請由 臣在所管招商輪船電報兩局內捐集解濟以伸

報効其設館之地京師由專司學政大臣酌定上海附於南洋公學詳細章程俟奉 諭旨後由專司學政大臣核定 奏咨照辦抑臣更有陳者孔門以德行為首科西學以修身為根本必先貞固乃為幹事之材未有華士可當重遠之寄保送之人必以志操堅卓器識深穩為指歸勿震聲華勿牽私故庶幾行已有恥可使四方此則內外諸臣所共知而在臣特為懇懇過慮者也謹附片具陳伏乞 聖鑒訓示謹 奏

議覆盛京卿條陳摺

總理衙門

奏為遵 旨妥議具奏恭摺仰祈 聖鑒事光緒二十二年九月二十六日軍機處抄交候補四品京堂盛宣懷條陳自強大計暨設立達成館並開設銀行各摺片奉 旨著軍機大臣總理各國事務衙門戶部妥議具奏欽此臣等查原奏內練兵一條所稱近年中國既糜餉千餘萬以養綠兵復糜餉千餘萬以養練勇計各省實存綠兵練勇八十餘萬人更新而不去舊無此財力制兵而不盡一非善治軍宜將天下畫分十鎮海疆邊疆為重腹地僻地為輕堅強樸實之地多徵膏腴柔脆之區少選參酌西法簡練新兵二十萬人就各鎮形勢輕重差等兵數多寡徵選戶籍可稽年在二十以上二十五以下體質身幹合格者錄為常備兵入營教練期以三年退為豫備兵亦期以三年退為後備兵亦期以三年退為民兵期以五年除其兵籍自豫備兵以下平時在家服農有事以次徵集豫備兵每年一次召集屯營與常備兵合操後備兵每年一次召集便宜地方使之演習皆視道里遠近給予路費民兵不集操在籍者皆免本戶徭役每歲十月由各鎮揀派選兵官分赴各屬會同州縣驗選合格者註於籍隨時徵充常備壯者入營而老者退籍老者退而壯者又復入營歷三年而一兵之餉常得一百二十萬人之用各鎮營制餉章統歸一律各營槍礮器械統歸一式舉綠營勇營悉去之以其歲餉三千餘萬而練常備兵三十萬人重訂餉章歲約不過二十萬兩其餘以備洋教習薪水豫備後備兵訓練路費等用計無不足等語臣等查添練新軍必須寬籌的餉上年臣戶部籌款奏內奉 旨令各直省

將綠營兵額裁七留三嗣經先後奏到除山東請減五成自本年始陸續裁汰將每年節存餉項銀數開單奏咨辦理奉 旨允准外其餘各省所裁兵數多寡不一現時已閱年餘辦理情形究竟若何均未據續行奏到擬請 旨飭催各直省將裁減兵數及切實辦法速行奏明毋得仍以含混延宕之詞一奏塞責近來內外軍務均已平定如江南之榆關撤回各營陝西之善後防軍固應一律盡裁即直隸之練軍旅順之毅軍長江之內河水師亦擬請 旨飭令分別核實裁減以節虛糜以上二項騰出之餉專款存儲以備添練新軍之用以目前情形而論亦只有就北洋袁世凱聶士成兩軍及江南自強軍湖北洋操隊將西法切實講求認真訓練悉成勁旅俟裁減兵勇節省銀兩核明確數再行逐漸推廣咸宣懷所奏分畫十鎮簡練三十萬人舉綠營勇營悉去之約計海疆邊疆已屬不敷分布而腹地僻地過形空虛亦非所宜且三年退換一弛不張諸多窒礙應請毋庸置議至各營槍礮宜歸一律內外臣工條奏多持此說本年七月督辦軍務處奏請 飭下劉坤一張之洞將新製槍式彼此較準畫一辦理迄今尚未覆奏相應請 旨飭催並令將上海湖北兩局廠每日可出快槍若干枝每枝合價銀若干迅速具奏其理財一條所稱欲求足國先無病民欲收商利在稅外溢加稅之議聞洋人以釐金為詞蓋窺我國用之絀必不能停收釐金也應機決策莫如徑免天下中途釐金加關稅為值百抽十令彼無所藉口釐金既免即仿行西國印稅之法辦理得宜計加收之關稅新收之印稅合之當倍於釐金西人通商惠工之本其樞紐皆在銀行中國亦宜仿行及另片所奏遴選各省公正殷實之紳商舉為總董招集股本銀五百萬兩先在京師上海設立中國銀行其餘各省會口岸以次添設由商董自行經理摺內又謂墨西哥國以九成之銀鑄錢運行中國易我十成之銀歲耗以億萬計近來廣東湖北洋南洋先後鑄造銀圓分兩輕重悉准墨銀既不能廢兩為圓各庫出入仍需元寶必無銀可鑄擬請在京師特設銀圓總局以廣東湖北天津上海為分局開鑄銀幣每圓重京平九成銀一兩再酌鑄金錢及小銀錢使子母相權而

行凡出款俱用官鑄銀幣各省關收納地丁錢糧鹽課關稅釐金俱收官鑄銀幣元寶小錠概不准用惟收款仍照庫平十成銀計算庫平較京平定以每百兩加平六兩十成銀較九成銀每百兩應加色十兩除各庫上兌津貼銀一兩定以每百兩加色九兩如應交庫平足銀一百兩者實收銀幣一百十五圓無高下輕重之別無減平扣色之弊以每年度支八十餘萬兩計之戶部約用盈餘平色銀一千二百萬兩較向來各省撥解平餘多收當不下十萬等語臣等查各省設卡抽釐為近來入款之一大宗如果洋稅可以加至值百抽十將釐卡一律裁撤非惟入款足以相抵抑且體恤商艱無如值百抽十之議各國多方齟齬尚未定局且釐金為我自主之權洋貨可免土貨未能一律全免印花稅雖擬仿行將來辦理能否得法亦無把握此徑免釐金之說此時未便遽行者也至開設銀行一節業已奉 旨責成盛宣懷選擇殷商設立總董招集股本合力興辦其所構開鑄銀圓酌加分兩一節是以維持利權之一策臣等公同商酌亦擬責成盛宣懷俟銀行辦成後准其附鑄一兩重銀圓以十萬圓為率先在南省試行如果可以流通毫無窒礙再由戶部妥議章程奏明辦理其育才一條所構西國人才之盛皆出於學堂中國各州縣一時未能遍設宜令各省先設省學堂一所士以天算地輿格致製造汽機礦冶諸學而以法律政治商稅為要先設武備學堂一所教以算壘測地槍礮製造彈丸發送隊伍分合馬騎控御諸學而以兵律戎機有勇知方為要文武兩科不能盡改舊制似宜專設一科裁天下之廣額為新學之進階期定功令使文武學堂卒業者皆有出身之正途齊仕進於科第則間風興起有志之士無不自奮於有用之學並另片所奏京師及上海兩處各設一達成館取成材之士專學英法語言文字專諳法律公法政治通商之學兩館各以三四十名為額京官取編檢六部司員外官取候補候選州縣以上道府以下令京官四品以上外官三品以上各舉所知出具切實考語保送另 簡大臣考取分發兩館每年一切經費約需銀十萬兩由盛宣懷所管招商輪船電報兩局捐集解濟各等語臣等查學堂之設已因

臣總理衙門於上年十一月議覆御史陳其璋所奏請 旨飭下沿海將軍督撫於已設學堂者量為展拓未設學堂者擇要仿行及本年七月議覆侍郎李端棻奏請推廣學校摺內令內地各府州縣或就原有書院量加程課或另建書院肄習專門業經先後奉 旨允准通行各省遵辦至武備學堂現已設立者僅有南北洋數處自應酌量推廣擬請 旨飭下各省將軍督撫體察情形能否於各省省會中一律添設之處妥籌辦理至所稱在京師上海兩處各設達成館一節自係為急求人才起見應請照准此事為 國家重大之舉所有常年經費擬由戶部籌定的數按年撥結未便如盛宣懷所奏由招商電報兩局集股解濟以崇體制至館中一切章程及應送何項人入館肄業之處俟建造房屋落成請 旨簡放大臣後再行詳議具奏所有臣等遵議各緣由是否有當伏候 聖裁再此摺係軍機處主稿合併聲明謹 奏

乙丙之隆著議第七

龔自珍

夏之既夷豫假夫商所以興夏不假六百年矣乎商之既夷豫假夫周所以興商不假八百年矣乎無八百年不夷之天下天下有萬億年不夷之道然而十年而夷則以拘一祖之法憚千夫之議聽其自侈以俟踵興者之改圖爾一祖之法無不敵千夫之議無不靡與其贈來者以勅改革孰若自改革抑思我祖所以興豈非革前代之敗耶前代所以興又非革前代之敗耶何憚然其不一姓也天何必不樂一姓耶鬼何必不享一姓邪奮之奮之將敗則豫師來姓又將敗則豫師來姓易曰窮則變變則通通則久非為黃帝以來六七姓括言之也為一姓勸豫也

乙丙之隆著議第九

吾聞深於春秋者其論史也白書契以降世有三等三等之世皆觀其才才之差治世為一等亂世為一等衰世別為一等衰世者文類治世名類治世聲言笑貌類治世黑白雜而五色可廢也似治世之太素宮頽潰而

五聲可鑠也似治世之希聲道路荒而畔岸隳也似治世之蕩蕩便便人心混混而無口過也似治之不議左
無才相右無才史闡無才將庠序無才士隴無才民屋無才工衢無才商抑巷無才偷市無才駟數澤無才盜
則非但黷君子也抑小人甚黷當彼其世也而才士與才民出則百不才督之縛之以至於僂之僂之非刀非
錐非水火文僂之名亦僂之聲音笑貌亦僂之僂之權不告於君不告於大夫不宣於司市君大夫亦不任
受其法亦不及要領徒僂其心僂其能憂心能憤心能思慮心能作為心能有廉恥心能無渣滓心又非一日
而僂之乃以漸或三歲而僂之十年而僂之百年而僂之才者自度將見僂則蚤夜號以求治求治而不得詩
憚者則蚤夜號以求亂夫憚且憚且惘然惘然以思世之一便己才不可問矣鄙之倫慙有辭矣然而起視其
世亂亦竟不遠矣是故智者受三千年史氏之書則能以良史之憂憂天下憂不才而庸如其憂才而惴憂不
才而眾憐如其憂才而眾畏履霜之屨寒於堅冰未雨之鳥戚於漂搖瘳癘之疾殆於癰疽將去之華慘於福
不三代神聖不忍薄謫士勇夫而厚蒙驚羸探世變也聖之至也

變法自上自下議

歐桀申

孟子曰不仁者可與言哉安其危而利其菑樂其所以亡者悲哉言乎其青史氏易姓之符契歟夫自古無不
亡之國故王者必通三統所以博觀終始通變宜民而綿國祚也易曰安不亡危存不忘亡是以身安而國家
可保也夫以安為安存為存尚虞有前山後冰之禍況火然寢薪病入腦髓危亡見端不待言決而猶晏安嬉
笑于牀第之間從容燕食于湖山之上何異飲刃以求坐沉淵以冀活者哉且魚爛于內蠶觸于外而在上不
知約章惴惴面顏心視而內臣不知鴻哀橫衝狐鳴聒耳而外臣不知衣冠危于累卵種族將為奴隸而士夫
不知非直不知也且以為安北狩不聞復讐之詔則上不恥矣東敗不聞臣死其事則臣不恥矣率土不聞尊
王之議則士不恥矣且夫法之敗于普也法人圖其戰敗屠戮之狀與夫死喪流離之形懸之壁上以勵仇恥

故數年而法復強日人之還遠東也國人憤齒痛心以為天孫降生未有辱立記念會以冀他日報復中國割祖宗之地以與人括萬姓之膏以饋敵國陵震驚海水沸嘯腥氣未已各國拔然乃仍循其無知無識之習相慶以幸可無事間有建異議發忠言者則誣之于部議部議誣之于疆吏疆吏誣之于州縣州縣率以幸可無事誣之于百姓于是無一事能行無一人可用甘心陸沉坐待棘莽嗚呼豈天之棄中國哉其不然耶

歐榘甲曰春秋書梁亡者棄民自亡也外人之輕我甚矣縱吾日日譚亡而存不可倖也奚若孰善擇失而上下變計以求存乎夫中國之弊不一端而私偽居其二何謂私曰古之王者以民為國為之置田宅謀畜牧立黨庠民有凶荒疾疫則天子食而不能舉樂也後之王者以國為產業以民為芻狗於產業無損雖棄千萬之民弗恤也是故歡樂具陳觀逸遊田優游卒歲違顧黎民上之私也沉沉頽頽患得失無動為大且以永日內臣之私也歲云莫矣死無幾時幡然改變吾將美依外臣之私也桓桓衿袂墨守章句致用通經吾輩何恃士之私也曰夏曰華孰恤予家胡天胡帝顧鼠有牙民之私也各便其私遂生諸偽國勢攫攫人心皇皇薄言順之無拂四方偽於上也舉口奈何束手一諾莫肯朝夕式臧覆惡偽於內也動言國運亦曰天心視官如市消息陽陰偽於外也疾聲如仇畏聲如虎不識不知行同狂瞽不麗於群不習於仁寄矣富人各顧其身偽於士與民也嗚呼以此二端施於大一統之朝尚且不可況四國環伺日不暇給者乎

不觀夫波蘭之亡乎天潢淪於溝壑宮闈陷為泥塗爵紳權貴流死荒山荆棘中白骨枕藉妻子為奴義民屢舉勤王之師卒為俄殲捕而竄之於西伯利高加索全波之人破家散業孤兒啼於道路老者僂於輪蹄檻若牛馬屠若雞犬西一千八百六十五年使波人不得操土音其所以愚波者至矣而波遂亡夫波蘭非小弱也約翰之雄烈未泯也戶口殷闐土地廣衍幾與俄亞非若植旬越南之藩於人也所由至此則內政不修私偽相尚甘為人役以自速其亡也考俄與波鄰忌其強約誓分之西一千七百六十四年俄人乘亂率大軍劫波

蘭王以列寧實為使臣監其國政迫波王與內奸西直的多權又申其國憲波蘭之人結為至交項國以聽而不之悟也一千七百七十二年波蘭內亂俄普奧聯兵入都城俄臣恣虐波人波人怨援普拒俄而普怒波素與俄合波人哥修士孤軍雖屢戰克捷歐洲諸國畏俄無敢赴援者西一千七百九十五年俄普奧竟分波蘭地至今百餘年耳當其寄生刀俎宛轉悲啼君臣同盡貴賤殲旃何其痛哉籍非上下乖離不相愛護召虎狼使吞噬盜賊以兵刃豈至是哉而今之謀國者不自振拔約為與國彼固割吾土地之大且畏我之將自強也且夕間將有區畛割剝之事焉自入陷併直波蘭之續耳夫黃白歧視黃人不同與則誰援手矣華彝嫌名華人不自救則為胥溺矣上自詒則國統亡下自詒則種類滅故今日言變法人人皆有其責人人當任其事然變之道有二一曰變之自上二曰變之自下

變之自上者何俄日是也俄土跨歐亞二洲民族各為風氣道路渾莽農工惰窳商業武備無可言者彼得即位覽歐西制作自恥不如環顧臣僚惛昧無識乃將童昏之氣退庸懦之臣遷新都改軍制遣門閥子弟於各國傳習諸術擇國中少年遊意大利荷蘭日耳曼學造船航海自變姓名遊歐洲各製造廠與工人合作講地理法律政治諸學歸乃興工場務耕種立農舍令民通各國語言文字修水陸道路以通行旅參西律以成新律設礦局以開利源立醫院以療民疾凡百新政俄皇皆躬自親之其遺命曰我子孫宜為歐亞二洲之主愿世傳授遂乃滅波蘭削土耳其創瑞典割波斯通俄之國蠶食殆盡鐵路通吾東三省且已俯瞰 神京矣初俄之變政也貴紳梗于內端波構于外而彼得獨用走卒綿西果夫為相盡黜舊黨君臣一心雄略遠震通波羅的海黑海以及太平洋寰球之內稱強國者必曰英俄彼得為之也至如日本之開諸港也鎖國之黨倡攘夷之議以忤幕府排之者目為奸黨犯之者即羅手刃殺大僚政使館燒外艦刺洋官內訌縣寧外伺襲擾睦仁乃與公卿誓曰萬機決于公論上下一心文武一途使庶民各遂其志一洗舊習一從公道求智識于海內

于是勅百官大勵廉節毋營私利置集議院撤諸閭閻廢虐刑廢藩為縣領以親王遣使歐美傳問興國之策定學制分學區開地方官議會設女子師範學校國勢勃興士氣昌大三十年中奮我琉球割我臺灣競商務于歐美大洲通電線于太平洋以扼全球之吭駸駸爭霸天下焉日本乃在海中三島耳語其土地不如吾中州之靈淑也語其人士不及四萬萬之繁眾也語其物產不如二十四萬種之多也幕府專橫不如吾君權之獨尊浮浪悻戾不如吾士類之謹飭也然而強弱異勢功業相反焉天道喜強而惡弱觀日本之已事況以中國而振奮有為也乎夫鄰哉者莫如俄日迫我者莫如俄日宜取法者亦莫如俄日不取法于俄日必見殲于俄日不寤惟是棄果於塗遺金於市雖駸重乞人皆得取而有之不必強有力也中國圖治久矣卧薪嘗膽布於綸音創鉅痛深臍哉 天語而左右貴近煬蔽汶閹無能周知外事翊贊 聖聰畿內外吏又復忘君父之大讐無能憤揚國恥力任新政是以高拱深宮獨立無助是皆有官守者之過也曹鼐不忘汲陽范蠡不忘會稽卒能沼吳返地克濟大計伊藤井上之徒首倡革政日人譁然卒用大治誠使吾之在位者勿為身家之謀共懷晉宋之辱其年屆懸車則自行告退毋妨賢路其識仍故轍則急自裁濯無誤朝廷大辟公府以延天下之士廣集眾議以上天子之聽流涕痛哭不計利害 聖聰既達四門斯聞降至尊以交國人振長策而御宇內本先聖經世之義采泰西殖民之規陽開陰闔乾坤倪良法美意耳目煥然遣使臣與列邦公會立二十年太平之約選學士與列邦教會明春秋太平之制易曰首出庶物萬國咸寧詩曰周雖舊邦其命維新其是之謂乎此變之自上之策也

變之自下者何泰西諸國是也當美法之民之大變也全球震蕩民智豁開歐洲諸國人人知有自主之權人人知有當為之事而譁然而起英民尤甚故學校之盛以英為最其幼學堂也一萬二千七百十三所自五歲至十三歲皆入塾讀書百人中識字者七十餘人雖英廷助以國帑而經費則民自捐給也其於農也其農學

會刊農學報製農學新具創農學新法每年所產值一千兆兩雖英廷助以國帑而化學格致則民自為考究也紡織之廠七千二百九十四所出口之數價值四垓八京磅雖英廷助以國帑而火輪自來機器則出於民之心思材力也自餘若鐵路若輪舟若電線若槍砲煤鐵乳油羊毛氈絨等類莫不創合公司招集鉅股講求新法售於外地他若義堂善局善會皆由英之人士倡之以保貧窮以救疾苦國無無告之民人有仰給之樂迨其後民氣日昌民權日重且以十三萬金之商會而墟印度以二十五萬金之教會而踞太平洋諸島屬地占全球之一商務為五洲之冠夫英倫三島縱竭其全力豈能達致富強哉厚其力雄其財廣其智故能如是也而國家亦安坐而受其福矣書曰民為邦本本固邦甯此之謂也且夫泰西之強也民羣強之也中國之弱也民不羣弱之也是故學校盛則民智慧善堂盛則民仁善農織盛則民富饒工商盛則民閑溢之數者民之有也民之事也民而甘為愚獷凋瘵則可不事其事矣如其不然未有舍己而從人者也五官必自用衣服必自被飲食必自進其待于人者非廢疾之人必寄生之君其下焉則狗馬難豚哉然而一木不足以成棟宇獨流不足以成江海孤峰不足以成邱壑匹夫之勇不足以禦三軍橫潦之水不足以敵廣澤孤根之智不足以戢萬靈以之為士則緯繆以之為農則荒蕪以之為商則蠹靡以之為工則沾憑何也未能羣也虎豹雖猛不敵入九衢羣與否也今之中國人眾矣土廣矣然而無士也無農也無工也無商也非無士也士而不羣故無學會以通聲氣無圖籍以擴見聞無教會以禦外侮無遊歷以廣尊親外士獎獎士庶慶與無士同也非無農也農而不羣故無農會以相比較無農報以稽土物無新機以利刈播無化學以速滋生外農勤動五農耽耽與無農同也非無工也工而不羣故無工局以講製造無工器以開心思使日用則無妙製禦漏卮則無巧式外工震震吾工芒芒與無工同也非無商也商而不羣故無商會以厚財力無商學以規巨利資小而取微勢分而志軌外商夥夥吾商焦囚與無商同也夫以中國之大成為無人之境等于滅亡之野豈不痛哉其坐以待斃